

黃帝內經靈樞注證發微

素問內經靈樞註證發微卷之六

大明太醫院正文會稽庠生玄臺子馬蔣仲化註證

弟舉人古江馬蔣仲陽校

五變第四十六

末節有五變之說故各篇大義見末節下。

黃帝問于少俞曰。余聞百疾之始期也。必生於風雨寒暑。循毫毛而入腠理。或復還。或留止。或爲風腫。汗出。或爲消。或爲寒熱。或爲蠶痺。或爲積聚。奇邪淫溢。不可勝數。上願聞其故。夫同時得病。或病此。或病彼。意者天之爲人。生風乎。何其異也。少俞曰。夫天之生風者。非以私百姓也。其行公平正直。犯者得之。避者得無殆。非求人而人自犯。

之。

此言人之感邪同而病否異者。非天之有私而人有避不避之異也。

黃帝曰。一時遇風。同時得病。其病各異。願聞其故。少俞曰。善乎哉問。請論以比匠人。匠人磨斧斤。礪刀。削斲樹木之陰陽。尚有堅脆。堅者不入。脆者皮弛。至其交節而缺斤斧焉。夫一木之中。堅脆不同。堅者則剛。脆者易傷。况其材木之不同。皮之厚薄。汁之多少。而各異耶。夫木之蚤花先生葉者。遇春霜烈風。則花落而葉萎。久曝大旱。則脆木薄皮者。枝條汁少而葉萎。久陰淫雨。則薄皮多汁者。皮潰而漉。

卒有風暴起則剛脆之木枝折杭傷。秋霜疾風則剛脆之木根挺而葉落。凡此五者各有所傷。況于人乎。黃帝曰。以人應木。奈何。少俞荅曰。木之所傷也。折其枝。枝之剛脆而堅未成傷也。人之有常病也。亦因其骨節皮膚腠理之不堅固者。邪之所舍也。故常病也。

此總言人之感邪成病者。以骨節皮膚腠理之不堅固也。帝問一時遇風同時得病。而病有各異。除不病者言也。少俞言人之所以感于邪者。亦因其骨節皮膚腠理之不堅固耳。試觀一木之中。尚有堅脆。故匠人斲削者。有斧斤之所不能入。蓋以堅者必剛也。有斧斤所加而

木皮卽死者蓋以施者必脆也不惟一木堅脆不同凡  
木生之皮有厚薄汁有多少者寧能同哉是以木之有  
花與葉而滋發先生者不惟四時之難厭也遇春霜烈  
風亦花落而葉萎矣木之質脆皮厚者遇久曝大旱亦  
枝枯而葉萎矣木之皮薄汁多者遇久陰淫雨亦皮潰  
而漉矣屈時時或有卒風暴起則不分剛脆之木亦枝  
折而机傷矣時逢秋霜疾風則不分剛脆之木亦根摧  
而葉落矣凡此五者尚爲風所傷况于人乎然以人應  
木者正以木之所傷皆傷其枝故有堅脆而堅者不至  
于有傷蓋必先傷其枝而後皮汁漸傷也人有常病於

風者亦因其骨節皮膚腠理之不堅固而後漸入于府藏耳何以異于木之先傷其枝者哉

黃帝曰人之善病風厥漉汗者何以候之少俞荅曰肉不堅腠理疎則善病風黃帝曰何以候肉之不堅也少俞荅曰腠肉不堅而無分理理者粗理粗理而皮不緻者腠理疎此言其渾然者理者之理當作行

此承上文而言善病風厥者以其腠理之疎也素問陰陽別論評熱病論篇皆有風厥素問瘧論及本經逆順篇皆言無刺漉漉之汗則風厥者其汗必漉漉然也少俞言肉不堅則腠理必疎爲能病風然所以驗其肉之

不堅者唯腓腸之上膝後曲處為腠乃委中穴所在也其肉不堅而無分理者其理必粗粗理而皮不堅緻則一身之腠理必疎所以善病風厥也此乃言其肉之厚然者則皮必密理不疎尚何病風之有

黃帝曰人之善病消痺者何以候之少俞荅曰五藏皆柔弱者善病消痺黃帝曰何以知五藏之柔弱也少俞荅曰天柔弱者必有剛強剛強多怒柔者易傷也黃帝曰何以候柔弱之與剛強少俞荅曰此人薄皮膚而目堅固以深者長衝直揚其心剛剛則多怒怒則氣上逆胃中畜積血氣逆氣脫皮充肌血脉不行轉而為熱熱則消肌膚故為

消癰此言其人暴剛而肌肉弱者也。

此承首節而言善病消癰者以其心則剛強而五藏與肌肉則柔弱也。消癰者多饑渴而肉瘦癰則內熱也。少俞言此人者五藏柔弱心則剛強剛強多怒五藏柔弱則易傷耳。何也正以其皮膚甚薄肌肉甚弱其目堅固以深其人甚剛有長衝直揚之勢。故心剛則多怒怒則氣上逆血爲之積。素問生氣通天論云大怒則形氣絕而血菀于上氣爲之壅。皮膚肌肉爲之充塞而血脉不能通所以蒸而爲熱熱則消肌膚而消癰之病成矣。

黃帝曰人之善病寒熱者何以候之。少俞荅曰小骨弱肉



者。善病寒熱。黃帝曰。何以候骨之大小。肉之堅脆。色之不  
一也。少俞荅曰。顴骨者。骨之本也。顴大則骨大。顴小則骨  
小。皮膚薄。而其肉無腠。其臂懦懦然。其地色殆然。不與其  
天同色。汗然獨異。此其候也。然後臂薄者。其髓不流。故善  
病寒熱也。

此承首節而言。善病寒熱者。以其骨小。肉弱。色濁。髓枯  
也。蓋欲知骨小。必驗顴骨。顴骨者。目下高骨。乃骨之本  
也。卽顴有大小。而周身之骨大小可驗。則骨小者。所以  
易病寒熱也。欲知肉弱。必驗周身之肉。與兩手之臂。今  
皮膚既黃。而其肉無腠。無腠者。肉無分理也。其臂懦懦

然而弱則肉弱者。所以易病寒熱也。面有天地人三部。其地色殆然不與其天同。已汗然甚濁。獨異于上中二部。則色濁者。所以易病寒熱也。欲知髓之虛滿。又驗臂之厚薄。故臂薄者。其骨必小。其髓不滿。惟髓不滿。則腦爲髓之府。凡風池風府。內通于腦。而邪易入之。所以易病寒熱也。

黃帝曰。何以候人之善病痺者。少俞荅曰。粗理而肉不堅者。善病痺。黃帝曰。痺之高下有處乎。少俞荅曰。欲知其高下者。各視其部。

此承首節而言善病痺者。其人理粗肉脆。而痺之所成

其高下各視乎分部也。

黃帝曰人之善病腸中積聚者何以候之少俞荅曰皮膚薄而不澤肉不堅而淖澤如此則腸胃惡惡則邪氣留止積聚乃傷脾胃之間寒溫不次邪氣稍至積聚留止大聚乃起。

此承首節而言善病腸中積聚者以其腸胃之惡也。

惡者

猶俗云不好也

蓋欲知腸胃之惡必驗之皮膚之薄而不潤澤

不潤澤者無血也其肉不堅而反為淖澤淖澤者惟之則移也如此則其在內之腸胃必惡惡則風寒暑濕之邪氣留止積聚以傷腸胃其衣食寒煖又不以次所以

邪氣漸至而稽積留止。至于大聚從此而日成矣。

詩見

百病始生篇

第六十六

黃帝曰。余聞病形。已知之矣。願聞其時。少俞答曰。先立其年以知其時。時高則起。時下則殆。雖不啗下。當年有衝通其病必起。是謂因形而生病。五變之紀也。

此承上文而言。所以成病之時。當明五變之紀也。按素問六元正紀大論曰。先立其年。以明其氣。金木水火土運行之數。寒濕燥烈風火臨御之化。則天道可見。民氣可調。卽如太陽之政。乃辰戌之紀也。其年爲太陽司天。太陰在泉。有勝復。民病其初主氣自厥陰。以至太陽固。

無所易其客氣自少陽以至太陽加于其上民病隨時而生故時高則病起時下則病殆時高者方臨人之時也時下者勝者復而復者又勝也蓋病如爲起病危爲殆耳雖脉不陷下當年有衝通其病必起且其因形而生病如木形之人而病于戊癸之年乃五運以爲立變之紀也卽辰戌之紀餘歲可推矣太義詳見六元正紀大論中

本藏第四十七

內推本其藏府吉  
凶善惡故名篇

黃帝問于歧伯曰人之血氣精神者所以奉生而周于性命者也經脉者所以行血氣而營陰陽濡筋骨利關節者

也衛氣者所以溫分肉充皮膚肥腠理司開闔者也。衛氣者所以御精神收魂魄適寒溫和喜怒者也。夫故血則經脈流行營覆陰陽筋骨勁強關節清利矣。衛氣和則分肉解利皮膚調柔腠理緻密矣。志意和則精神專直魂魄不散悔怒不起五藏不受邪矣。寒溫和則六府化穀風痺不作經脈通利肢節得安矣。此人之常平也。五藏者所以藏精神血氣魂魄者也。六府者所以化水穀而行津液者也。此人之所以具受于天也。無愚智賢不肖無以相倚也。然有其獨盡天壽而無邪僻之病百年不衰雖犯風雨卒猝寒大暑猶有弗能害也有其不離屏蔽室內無怵惕之

恐然猶不免于病何也。願聞其故。歧伯曰：審乎哉問也。五藏者，所以參天地，副陰陽，而連四時，化五節者也。五藏者，固有小大，高下，堅脆，端正，偏傾者。六府亦有小大，長短，厚薄，結直，緩急。凡此二十五者，各不同。或善或惡，或吉或凶。請言其左。

此詳言人之易感於邪者，以藏府之有善惡，吉凶也。善惡以體言，吉凶以病言。下文正詳言之。

心小則安邪，弗能傷，易傷以憂。心大則憂不能傷，易傷于邪。心高則滿于肺中，悅而善忘，難開以言。心下則藏外易傷于寒，易恐以言。心堅則藏安，守固。心脆則善病消癰熱。

心端正則和利難傷心偏傾則操持不一無守司也  
此言心有善惡吉凶也心之小者則安外邪弗之能傷  
但內有所憂則易傷耳蓋心小者必多憂所以憂易傷  
之也若心大則憂不能傷而外邪反易傷之矣心之  
高者則心之上爲肺當滿于肺中肺與心相着乃多煩  
悶而心竅不通必爲健忘及難以善言開之也若心下  
則易傷于寒及易以言恐之矣心之堅者則藏安守  
固凡外邪不能入內憂不能恐若心脆則善病消癯熱  
中多內傷之病矣心之端正者則和利難傷凡外邪  
人言皆不能傷若心偏傾則其人操守不一無所守司



由此觀之則心宜不大不小不高不下堅而不脆正而不偏斯謂之善也而可以免凶病矣下文肺肝脾腎亦猶是耳

肺小則少飲不病喘喝肺大則多飲善病胃痺喉痺逆氣肺高則上氣肩息欬肺下則居賁迫肺善脇下痛肺堅則不病欬上氣肺脆則苦病消癰易傷肺端正則和利難傷肺偏傾則胃偏痛也

此言肺有善惡吉凶也肺之高者則病上氣竅有而息及爲欬嗽消癰者消渴而痺熱也

肝小則藏安無脇下之病肝大則逼胃迫咽迫咽則苦膈

中。且脇下痛。肝高則上支貫切。脇僥為息。肝下則通胃。

脇下空。脇下空則易受邪。肝堅則藏安難傷。肝脆則善病。

消痺易傷。肝端正則和利難傷。肝偏傾則脇下痛也。說同

此言肝有善惡吉凶也。肝之高者則其經脉所行及所

謂支別者。上奔迫切。脇下多悶。當為息責之證。按素問

云肝生于左。至真要大論王注言肝居下左。則肝生于

下胃當在上何為能下通于胃意者在左為肝。在右為

脾。肝與脾並故可以言下通于胃也。則王氏言肝生下左者謬矣。

脾小則藏安難傷。脾大則苦湊眇而痛。不能疾行。

脾高則眇引季脇而痛。脾下則下加于大腸。下加于大腸

則藏苦受邪。脾堅則藏安難傷。脾脆則善病消痺易傷。脾

端正則和利難傷脾偏傾則善滿善脹也。形音

此言脾有善惡吉凶也。脾下軟肉處也。

腎小則藏安難傷。腎大則善病腰痛。不可以俛仰。易傷以邪。腎高則苦背脊痛。不可以俛仰。腎下則腰尻痛。不可以俛仰。爲狐疝。腎堅則不病腰痛。腎脆則苦病消痺。易傷腎端正則和利難傷。腎偏傾則苦腰尻痛也。尻音敲

此言腎有善惡吉凶也。

凡此二十五變者人之所苦常病也。

此結言五藏二十五異者人之苦于常病也。二十五異者曰小大曰高下曰堅脆曰端正曰偏傾也。五藏則爲

二十有五矣

黃帝曰。何以知其然也。岐伯曰。赤色小理者。心小。粗理者。心大。無髑髁者。心高。髑髁小短舉者。心下。髑髁長者。心下堅。髑髁弱小以薄者。心脆。髑髁直下不舉者。心端正。髑髁倚一方者。心偏傾也。髑音結音干

此言欲知心之善惡吉凶。當驗之色理與髑髁也。髑髁者。胃下蔽骨也。

白色小理者。肺小。粗理者。肺大。巨肩反膺陷喉者。肺高。合腋張脇者。肺下。好肩背厚者。肺堅。肩背薄者。肺脆。背膺厚者。肺端正。脇偏踈者。肺偏傾也。踈音疎

此言欲知肺之善惡言面常驗之色即右肝肺喉脇之類也

青色小理者肝小粗理者肝大廣胃反散者肝高合脇兎  
岐者肝下胃脇好者肝堅脇骨弱者肝脆脾腹好相付者  
肝端正脇骨偏舉者肝偏傾也

散音交

此言欲知肝之善惡言面常驗之色即肝散脾腹之類也

黃色小理者脾小粗理者脾大揭唇者脾高唇下縱者脾  
下唇堅者脾堅唇大而不堅者脾脆唇上下好者脾端正  
唇偏舉者脾偏傾也

欲知脾之善惡吉凶當驗之色理與唇也。

黑色小理者腎小粗理者腎大高耳者腎高耳後陷者腎下耳堅者腎堅耳薄不堅者腎脆耳好前居牙車者腎端正耳偏高者腎偏傾也。好去聲

此言欲知腎之善惡吉凶當驗之色理與耳也。

凡此諸變者持則安。減則病也。

此結言上文二十五異者善于持守則安而持守之功減則不免于病也。

帝曰善然非余之所問也。願聞人之有不可病者不盡天壽雖有深憂大恐怵惕之志猶不能減也。其寒大熱不能

傷也。其有不離屏蔽室內。又無怵惕之恐。然不免于病者。何也。願聞其故。歧伯曰。五藏六府。邪之舍也。請言其故。五藏皆小者。少病。苦焦心。大愁憂。五藏皆大者。緩于事。難使以憂。五藏皆高者。好高舉措。五藏皆下者。好出人下。五藏皆堅者。無病。五藏皆脆者。不離于病。五藏皆端正者。和利得人心。五藏皆偏傾者。邪心而善盜。不可以爲人。平反覆言語也。

此言人有病有不病者。以五藏之有善惡吉凶也。

黃帝曰。願聞六府之應。歧伯荅曰。肺合人腸。大腸者皮其應。心合小腸。小腸者脉其應。肝合膽。膽者筋其應。脾合胃。

胃者肉其應。腎合三焦膀胱。三焦膀胱者。腠理毫毛其應。此言五藏與六府相合。而亦有知六府之法也。腎合三焦者。左腎合膀胱。右腎合三焦也。

黃帝曰。應之奈何。歧伯曰。肺應皮。皮厚者。大腸厚。皮薄者。大腸薄。皮緩。腹裏大者。大腸大而長。皮急者。大腸急而短。皮滑者。大腸直。皮肉不相離者。大腸結。

此言欲知大腸。當驗之皮也。

心應脉。皮厚者。脉厚。脉厚者。小腸厚。皮薄者。脉薄。脉薄者。小腸薄。皮緩者。脉緩。脉緩者。小腸大而長。皮薄而脉冲小者。小腸小而短。諸陽經脉皆多紆屈者。小腸結。



此言欲知小腸當驗之脉而脉又當驗之于皮也。

脾應肉。肉腠堅大者胃厚。肉腠糜者胃薄。肉腠小而糜者胃不堅。肉腠不稱身者胃下。胃下者下脘約不利。肉腠不堅者胃緩。肉腠無小裘累者胃急。肉腠多少裘累者胃結。胃結者上脘約不利也。腠音闕。弥去声。

此言欲知胃者當驗之肉腠也。

肝應爪。爪厚色黃者膽厚。爪薄色紅者膽薄。爪堅色青者膽急。爪濡色赤者膽緩。爪直色白無約者膽直。爪惡色黑多紋者膽結也。

此言欲知膽者當驗之爪也。

腎應骨密理厚皮者。三焦膀胱厚。粗理薄皮者。三焦膀胱薄。疎腠理者。三焦膀胱緩。皮急而無毫毛者。三焦膀胱急。毫毛美而粗者。三焦膀胱直。稀毫毛者。三焦膀胱結也。

此言欲知三焦膀胱者。當驗之皮毫腠理也。三焦爲右腎之府。膀胱爲左腎之府。觀三焦有厚薄緩急直結。則

分明有形者也。後世難經以爲有名無形者。蓋未考此

故耳。若營衛生會篇之三焦。則居于前者。果有名而無

形也。

按三因方云。三焦者。有腠膜如手大。正與膀胱相


有一舉子徐通。少曾醫。療病有精思。曰。齊嘗大饑。群丐相鬻而食。有一人皮肉盡而骨脉全。見右腎之下。有脂膜如手大。正與膀胱相對。有二白脉自其中出。夾脊而

貫腦。此正所謂三焦也。觀此。則三焦有形昭昭矣。

卷六

應以知其內藏則知所病矣。

五藏六府總圖



禁服第四十八

服事也。謂大難拔篇有我言。張氏內論脉有關係宜用之。此藥法故名。

雷公問於黃帝曰。細子得受業。通于九鍼六十篇。且慕勤服之。近者編絕。久者簡垢。然尚諷誦弗置。未盡解于意矣。外揣言渾束爲一。未知所謂也。夫大則無外。小則無內。大小無極。高下無度。束之奈何。士之方力。以有厚薄。智慮福淺。不能博大深奧。自強于學。若細子。細子恐其散于後世。絕于子孫。敢問約之奈何。黃帝曰。善哉問也。此先師之所禁。坐私傳之也。割臂歃血之盟也。子若欲得之。何不齋乎。雷公再拜而起曰。請聞命于是也。乃齋宿三日。而請曰。敢問今日正陽。細子願以受盟。黃帝乃與俱入齋室。割臂

軟血黃帝親祝曰。今日正陽。軟血傳方。有敢背此言者。反  
受其殃。雷公再拜曰。細子受之。黃帝乃左握其手。右授之。  
書曰。慎之慎之。吾為子言之。凡刺之理。經脈為始。營其所  
行。知其度量。內刺五藏。外刺六府。審察衛氣。為百病。調  
其虛實。虛實乃止。寫其血絡。血盡不殆矣。凡刺之理。六句  
見前經脈篇  
此言凡刺之理。當有渾束為一之妙。不過以經脈為始  
而已。不惟用針。編者所以貫簡。故近則編絕。孔子讀易  
用象亦然。編者所以貫簡。故近則編絕。孔子讀易  
久則簡垢。古人無紙。以竹簡。久于去青。昔  
之故書之者。簡而貫之。昔者外揣前卷篇  
名也。帝嘗謂九鍼者。小之則無內。大之則無外。深不可  
為下。高不可為蓋。大小高深。以理  
言。非鍼形也。恍惚無窮。流溢無極。

而欲渾束爲一。伯乃以至明爲要進之。今雷公述而問之。亦欲得渾束爲一之方耳。帝念其齋宿之誠。遂行割臂歛血之盟。乃以書而授之。曰。凡刺之理。其要道在于經脉。爲始而已。經脉者。本經第十篇名。乃十二經脉氣運行之經隧也。運其所行。言如上分其度量。本經有五藏爲裏。故內刺五藏六府爲表。故外刺六府。彼營氣者。陰氣也。既隨宗氣以運行于經隧之中。惟衛氣者。陽氣也。乃自行于皮膚分肉之間。故必審察衛氣實爲百病之母也。衛氣者。百病之母。其大義見素問生氣通天論中。其百病有虛有實。卽人迎寸口脉以知之。而正氣之虛則補。邪氣之實則瀉。則

虛者實實者虛而虛實自止矣。又血絡者病之可見者

也。前月血絡論從而寫之。庶血去盡而病不殆矣。

雷公曰：此皆細子之所以通。未知其所約也。黃帝曰：夫約  
方者，猶約囊也。囊滿而弗約，則輸泄；方成弗約，則神與弗  
俱。雷公曰：願為下材者。弗滿而約之。黃帝曰：未滿而知約  
之以為工，不可以為天下師。

此言方成宜約，而當以天下師自期也。蓋約方猶之約  
囊，囊滿而弗約，則輸泄于外；方成而弗約之，則法雖在  
而無所主持。故吾之神弗能與俱，不可以愈病也。神義  
詳前病傳篇彼雷公雖以下材，工自謙，不知帝之所以

望之者。爲天下師也。所謂天下師者。唯知經脉之

耳。下文正詳言之。  
雷公曰。願聞爲工。黃帝曰。寸口主中。人迎主外。兩者相應。俱往俱來。若引繩大小齊等。春夏人迎微大。秋冬寸口微大。如是者。名曰平人。

此言寸口人迎之脉。各有所主。而合四時者。爲無病也。寸口者。居右手寸部。卽太淵穴。去魚際一寸。故曰寸口。以其爲脉氣之所會。故又曰脉口。又曰氣口。寸口主中。乃足手六陰經脉所見也。人迎者。居左手寸部。蓋人迎乃足陽明胃經之穴名。而其脉則見于此。故卽以人迎



稱之以胃爲六府之先也。人迎主外。故左關爲東爲春。左寸爲南爲夏。所以謂左寸爲外。凡足手六陽經之脉。必見于此。右寸爲秋爲西。右關爲中央爲長夏。其兩尺則爲北爲冬。所以謂右寸爲內。凡足手六陰經之脉。必見于此。然寸口之脉在內而出于外。人迎之脉在外而入于內。卽如人迎一動爲足少陽膽經。寸口一動爲足厥陰肝經。則肝與膽相爲表裏。而一出入兩經本相應也。餘經表裏可以類推。見下文。故俱往俱來。若引繩齊等。而春夏之時。則人迎比寸口之脉爲微大。秋冬之時。則寸口比人迎之脉爲微大。乃爲平和無病之人也。蓋曰微大則

是平和之脉耳。

人迎大一倍于寸口。病在足少陽。一倍而躁。病在手少陽。  
人迎二倍。病在足太陽。二倍而躁。病在手太陽。人迎三倍。  
病在足陽明。三倍而躁。病在手陽明。盛則為熱。虛則為寒。  
緊則為痛。痺。代則乍甚乍間。盛則為虛。虛則補之。緊痛則  
取之分肉。代則取血絡。且飲藥。陷下則灸之。不盛不虛。以  
經取之。名曰經刺。人迎四倍者。且大且數。名曰溢陽。溢陽  
為外格。死不治。必審按其本末。察其寒熱。以驗其藏府之  
病。數間去聲

此言人迎大于寸口之脉可以驗足手六陽經之病。而

有治之之法也。人迎較寸口之脉大者一倍則病在足少陽膽經。若一倍而躁乃手少陽三焦經有病也。躁者一倍之中而有更躁之意。下文二倍三倍四倍其躁可以意會。較寸口之脉大者二倍則病在足太陽膀胱經。若一倍而躁乃手太陽小腸經有病也。較寸口之脉大者三倍則病在足陽明胃經。若三倍而躁乃手陽明大腸經有病也。其各陽經之脉盛則為熱虛則為寒脉緊則為痛痺。脉代則病為乍甚乍間。卽下文之乍痛乍止也。然所以治之者脉盛則分經以瀉之脉虛則分經以補之脉緊為痛痺則取其分肉之病在何經脉代則取

其血絡使之出血。及飲藥以調之。脉陷下者。則血結于中。中有着血。血寒。故宜灸之。若不盛不虛。則止以本經取之。如一盛。寫膽以補肝。二盛。寫膀胱以補腎之類。茲則取之于膽。而不取之肝。取之膀胱。而不取之腎之類也。或用鍼。或用灸。或用藥。止在本經。而不求之他經。故名之曰經刺也。夫治法固已如此。及夫人迎之脉。大于寸口者。四倍。且大且數。則陽脉甚盛。名曰溢陽。溢陽者。爲外格。蓋格者。拒也。拒六陰脉于內。而使不得運于外也。其證當爲死不治。凡此者。必宜審按其本末。蓋先病爲本。而後病爲末。及察其寒熱。以驗其藏府之病可也。

寸口大于人迎一倍。病在足厥陰。一倍而躁。病在手心主。  
寸口二倍。病在足少陰。二倍而躁。病在手少陰。寸口三倍。  
病在足太陰。三倍而躁。病在手太陰。盛則脹滿。寒中。食不  
化。虛則熱中。出糜。少氣。溺色變。紫則痛痺。代則乍痛乍止。  
盛則寫之。虛則補之。紫則先刺而後灸之。代則取血絡而  
後調之。陷下則徒灸之。陷下者。脉血絡于中。中有着血。血  
寒故宜灸之。不盛不虛。以經取之。名曰經刺。寸口四部者。  
名曰內關。內關者。且大且數。死不治。必審察其本末之寒  
溫。以驗其藏府之病。

此言寸口大于人迎之脉。可以驗足手六陰經之病。而

有治之之法也。寸口較人迎之脉。大者一倍。則病在足。厥陰肝經。若一倍而躁。乃手厥陰心包絡經有病也。較人迎之脉。大者二倍。則病在足少陰腎經。若二倍而躁。乃手少陰心經有病也。較人迎之脉。大者三倍。則病在足太陰脾經。若三倍而躁。乃手太陰肺經有病也。其各陰經之脉。盛則爲脹滿。其胃中必寒。而食亦不化。虛則其中必熱。而所出之糜亦不化。且氣亦少。溺色亦必變也。脉緊。則爲痛痺。脉代。則爲乍痛乍止。然所以治之者。盛則分經以瀉之。虛則分經以補之。緊則取其痛痺之分肉。在于何經。先刺而後灸之。代則取其血絡。使之出。

血及飲藥以調之。脉陷下者。則徒灸之。也。徒但脉既陷下

則血結于中。中有着血。血寒。故宜灸之。若不盛不虛。則

以本經取之。或用藥。或用鍼。或用灸。名之曰經刺也。見

上夫治法固已如此。及夫寸口之脉。大于人迎者。四倍

且大且數。則陰經甚盛。名曰內關。內關者。閉六陽在外。

而使之不得以入于肉也。其證當為死不可治。凡此者。

必宜審按其本末。及察其寒熱。以驗其藏府之病可也。

通其營輸。乃可傳于大數。大數曰。盛則徒瀉之。虛則徒補

之。緊則灸刺。且飲藥陷下。則徒灸之。不盛不虛。以經取之。

所謂經治者。飲藥亦曰灸刺。脉急則引。脉大以弱。則欲安

用力無勞也。

此承上文而申言以叮嚀之。正約方之大術數也。凡為醫工者固以明經脉篇為始。然必先知本經本輪篇如片榮輪經合之義。則經脉始可明也。遂可傳以大數。如上文盛則徒瀉之等云也。大數大義具所謂盛則徒瀉之者。但瀉而無補也。虛則徒補之者。但補而無瀉也。緊則為痛痺。或灸或刺或飲藥三者可兼行也。脉陷下則但灸之而已。不盛不虛以經取之。則取陽經者不取陰經。取陰經者不取陽經。此之謂經治。其飲藥灸刺三者亦可兼行也。且其脉急者可加導引之功。或脉大而弱



者則當主于安靜雖有用力不至大勞也此乃六法之所在即方之要者而外術渾束為一之義盡矣庶可以為天下師若未消而約之則是不知經脉而欲知術數也僅足以為工耳豈非以下材自限者哉所謂大術數者如此則醫門秘旨真在是矣雖言用鍼之法而用藥補寫亦猶是也然則本輪經脉終始禁服之篇乃醫籍中至寶惜乎後世妄而不識謂古如大夜小扁鵲

五色第四十九篇內有五色言病之義故名

雷公問于黃帝曰五色獨決于明堂乎小子未知其所謂也黃帝曰明堂者鼻也闕者眉間也庭者顏也蕃者頰側也蔽者耳門也其間欲方大去之十步皆見于外如是者

壽必中百歲

此節大義與前五閔五使篇第二節相同

此言五色雖決于明堂而諸部亦宜廣大也。五色獨決于明堂。五閔五使篇之言而公舉以問之也。

雷公曰。五官之辯奈何。黃帝曰。明堂骨高以起。平以直。五藏次于中央。六府挾其兩側。首面至于闕庭。王宮在于下極。五藏安于胃中。真色以致。病色不見。明堂潤澤以清。五官惡得無辯乎。惡音烏

此承上文而言五官之有辯也。五閔五使篇有五官已辯之言。而公亦舉以問之也。鼻為明堂。其骨貴高以起。平以直。五藏次于中央。詳見第六節六府挾其兩側。詳下節。

眉間爲闕。顏爲庭。故庭卽首面。所以上于闕庭也。下極在兩目之間。係心之部。故曰王者所居之宮。在于下極。以心爲君主之尊也。惟五藏能安于胷中。則其真色已致病色不見。明堂之色自然清潤。此五官之可辨者如此。

雷公曰。其不辯者。可得聞乎。黃帝曰。五色之見也。各出其色部。部骨陷者。必不免于病矣。其色部乘襲者。雖病甚不死矣。

此承上文而言五官之色。可以辯病之死生也。公以五色有不可辯者爲疑。帝言五官之色。未有不可辯者也。

故五者之色各出其部分。其何部之骨陷者。必不病。病其何部之骨。不至陷下。而僅有五色相乘。繫於脏。病甚。亦不至于死也。

雷公曰。官五色奈何。黃帝曰。青黑爲病。黃赤爲熱。白爲寒。是爲五官。

此正言五官之色。見于何部。可以知其在中之病也。

雷公曰。病之益甚。與其方衰。如何。黃帝曰。外內皆在焉。切其脉口。滑小緊以沉者。病益甚。在中。人迎氣大緊以浮者。其病益甚。在外。其脉口浮滑者。病日進。人迎沉而滑者。病日損。其脉口滑以沉者。病日進。在內。其人迎脉滑盛以浮。

者其病日進在外。脉之浮沉。又人迎與寸口氣小大等者。病難已。病之在藏。沉而大者易已。小爲逆。病在府。浮而大者。其病易已。人迎盛堅者傷于寒。氣口盛堅者傷于食。

此言病之間甚。內外可卽人迎脉口以知之也。公以病之益甚。方衰難知爲疑。帝言人迎主外。脉口主內。內外皆在其病可得而知也。切其脉口而滑。脉兼小及緊以沉者。其病當在中。而爲益甚也。切其人迎而脉氣既大兼緊以浮者。其病當在外。而爲益甚也。然脉口不但脉滑兼小。及緊以沉者。爲益甚。雖滑而帶浮者。亦病必日進也。人迎不但脉大兼緊以浮者。爲益甚。若沉

而帶滑則病可日減也。由此觀之則脉口浮而帶滑者病固日進雖滑而帶沉者亦然但其病在內所謂一盛二盛三盛乃六陰經之爲病也。義見前篇人迎必沉而帶滑者幸得日損若盛以浮者必不能損而爲日進但其病在外所謂一盛二盛三盛乃六陽經之爲病也。義見前篇不寧唯是醫工用指以照之。傷寒論曰脉人迎與寸口其脉氣或小或大相等者則外感內傷俱未盡減其病爲難已也然病在六陰謂之在五藏也必沉而大者其病易已蓋沉爲在內大則有力也若沉而帶小則病之在藏者未已也病在六陽謂之在六府也必浮而大者

其病易已。蓋浮爲在外。大爲易散也。何以知人迎之爲外感也。惟其脉之盛而且堅。是必傷于寒者所致耳。何以知脉口之爲內傷也。惟其脉亦盛而且堅。是必傷于食者所致耳。

雷公曰。以色言病之間甚。奈何。黃帝曰。其色麗以明。沉夭者爲甚。其色上行者。病益甚。其色下行如雲徹散者。病方已。五色各有藏部。有外部。有內部也。色從外部走內部者。其病從外走內。其色從內走外者。其病從內走外。病生于內者。先治其陰。後治其陽。反者益甚。其病生于陽者。先治其外。後治其內。反者益甚。其脉滑大以代而長者。病從外

來目有所見志有所惡此陽氣之并也可變而已

此言病之間甚内外可即色以知之而有治病之法也  
上文言以脉知病而此則公欲以色知病故帝言病之  
益甚者其色本粗以明而忽然沉大不明者是也其  
色上行于面部之上則邪氣有升而無降病之方爲益  
甚若其色乃降于面部之下如雲散則邪氣有降而  
無升病之所以方衰也  
面色各有五藏之分部有  
外部有內部其色從外部來者病必從外走內其  
色從內部走外部者病必從內走外  
所謂從內走外  
者即病生于內也內爲陰經外爲陽經當先治其陰後



治其陽若先治其陽而後治其陰則病反甚矣所謂從  
外走內者卽病生于外也外爲陽經內爲陰經當先治  
其陽後治其陰若先治其陰而後治其陽則病反甚矣  
此二段與素問標本病論篇五臟病傳篇  
先治其本同意吟腹脹大小不利而言耳既觀其色又  
觀其脉方爲詳審其脉滑而帶大帶代帶長者皆陽脉  
也乃爲病從外來其外證目有所妄見志有所妄忘乃  
陽氣之并于外也卽當先治其陽後治其陰使之變焉  
而病已矣卽此而推則其脉澹而帶小帶代帶短者皆  
陰脉也乃爲病從內來其內證目有所畏見志有所獨  
處乃陰氣之并于內也卽當先治其陰後治其陽使之

變焉而病亦已矣

雷公曰。小子聞風者。百病之始也。厥逆者。寒濕之起也。別之奈何。黃帝曰。常候關中。薄澤爲風。沖濁爲痺。在地爲厥。此其常也。各以其色言其病。

此言病有風有厥有痺者。候之面部。可知其病。審之五色。可分其藏也。公以風爲百病之始。病乃上部所感。厥逆爲寒濕之起。病乃下部所感。何以別之。爲問。帝言欲知風與痺者。常候關中。其色薄而潤澤。病之感風者也。若沖濁而不清。則病之爲痺者耳。至于沖濁之色。見于地部。面部則厥之爲病也。蓋厥自足經而上逆者耳。此

地部

下面部

則厥

之爲病

也蓋厥

自足經

而上逆

皆其常色可驗者。若夫欲知五藏之分病。則又以青爲肝。以赤爲心。以黃爲脾。以白爲肺。以黑爲腎。各以其色而分五藏之風痺厥也。

雷公曰。人不病卒死。何以知之。黃帝曰。大氣入于藏府者。不病而卒死矣。雷公曰。病小愈而卒死者。何以知之。黃帝曰。赤色出兩顴。大如母指者。病雖小愈。必卒死。黑色出于庭。大如母指。必不病而卒死。卒猝同。母姆同。

此言人有不病而卒死者。有病雖小愈而卒死者。有其由。與其驗也。蓋不病而卒死者。以大邪之氣入于藏府也。病雖小愈而卒死者。以赤色出于兩顴。大如母指者。

此其驗也。

大指也。

然不病而卒死者有黑色見于首面

大如母指此亦其所驗也。

雷公再拜曰善哉其死有期乎黃帝曰察色以言其時雷公曰善乎。願卒聞之黃帝曰庭者首面也。闕上者咽喉也。闕中者肺也。下極者心也。直下者肝也。肝左者膽也。下者脾也。方上者胃也。中央者大腸也。右大腸者腎也。當腎者臍也。面王以上者小腸也。面王以下者膀胱子處也。顴者肩也。顴後者臂也。臂下者手也。目內眦上者膺乳也。挾繩而上者背也。循牙車以下者股也。中牙者膝也。膝以下者脛也。當脛以下者足也。巨分者股裏也。巨屈者膝臑也。此

五藏六府肢節之部也各有部分。用陰和陽。用陽和陰。當明部分萬舉萬當。能別左右。是謂大道男女異位。故曰陰陽。

此言五藏六府肢節之各有部分也。上文言庭者。顏也。顏爲額中。而此以庭爲首面者。正以顏爲最上。乃面之首耳。上文言闕者。兩眉間也。而此曰闕上者。咽喉也。以咽喉之部在眉間之上耳。又曰闕中者。肺也。以闕之中卽眉之間。正爲肺之部耳。下極鼻柱也。在兩目之間。五藏肺爲最高。而肺下卽心。故曰下極者。心也。其心之直下者。卽鼻柱而下也。爲肝之部。肝之左卽爲膽。則在鼻

挾顴之間矣。其肝之下爲脾。方者。鼻隧也。面王者。鼻之端也。鼻隧之上。卽迎香之上。爲胃。胃之外爲大腸。乃正顴之下。大腸之外爲腎。則大腸爲中央。而胃與腎所以挾大腸也。當腎者。脾也。面王以上爲小腸。面王以下爲膀胱子處。此乃五藏六府之部也。至于肢節。亦各有部。顴者。所以應肩。顴之後。所以應臂。臂之下。所以應手。又推而上之。其目內眦之上。所以應膺。膺與乳也。又推而下之。頰外爲繩。挾繩而上者。所以應背。循牙車以下。所以應股。其中央。所以應膝。膝之已下。所以應脛。當脛已下。爲足。其巨分者。所以應股之裏。巨屈者。所以應膝臑。


此又肢節之部分也。故嘗統而論之。自額而下。關上屬首咽喉之部分也。自關中循鼻而下。鼻端屬肺心肝脾腎五藏之部分也。自目內眥挾鼻而下。至承漿屬膀胱胃大腸小腸膀胱六府之部分也。自額而下。頰屬肩臂手之部分也。自牙車而斜下。頤屬股膝脛足之部分也。故第二節曰。五藏次于中央。六府挾其兩側。首面上于關庭。王宮在于下極。有此也。是以見于面者。各有部分。惟其有此部分。則當知病在陽經。陰為之裏。所以宜用陰以和陽也。病在陰經。陽為之表。所以宜用陽以和陰也。如終始篇屬諸明此部分。斯有萬舉萬當之妙矣。又肝為肝補膽之意。

能別其左右。是謂能知大道也。又能分別男女。是謂能  
識陰陽也。如下文所謂男子色在于面王者爲小勝。女  
子色見在于面王者爲勝。脫于膚之病者是也。




# 五藏六府見於面部之圖

廣者首而也關者咽喉也關中者肺  
 也下極者心也肝也肝左者膽  
 也下者脾也脾右者胃也中央者大腸  
 也大者胃也胃右者脾也面王  
 上者心也而心下者膀胱子虛也




男一色在于面王為大腹癰丁為明癰  
 其圖為黃潤者女子為勝勝子虛  
 之癰

五步次于中央六府按其兩側首面上  
 于關處王宮在于下極




圖之部面於見節肢

明堂者鼻也闕者屋間也庭者頽也  
審者頽側也蔽者耳門也其間欹方  
大去之十步如是者壽



明堂骨高以起平以直明堂潤澤以清

類者有也顧後者臂也臂下者手也  
口門背上者肩也腋也腋下一者臂  
也個牙車以下者腋也口大者喉也  
也脰以下者頸也高隆以下者足也  
巨分者股也也下者不勝也此五  
藏六腑肢臂之有也



審察澤天謂之良工。沉濁爲內，浮澤爲外。黃赤爲風，青黑爲痛，白爲寒，黃而膏潤爲膿，赤甚者爲血，痛甚爲癰，寒甚爲皮不仁，五色各見其部，察其浮沉以知淺深，察其澤天以觀成敗，察其散搏以知遠近，視色上下以知病處，積神于心以知往今。故相氣不微，不知是非，屬意勿去，乃知新故，色明不麗，沉天爲甚，不明不澤，其病不甚。天从同搏團同相去声此承上文而言。審察部分之澤天者，可以悉知其病也。部分有潤澤者，有天稟者，能審察之謂之良工。其色爲沉爲濁，病乃在藏，故爲在內。其色爲浮爲澤，病乃在府，故爲在外。黃與赤者爲有風，青與黑者爲有痛，白者爲

有寒黃色而如膏之澤者爲有膿赤甚者爲有血然青  
黑雖爲痛而痛甚者又爲癰白者雖爲寒而寒甚者又  
爲皮膚之不仁不仁者不知痛痒也此五色者各見于  
部分之中必察其色之浮而可以知病之淺察其色之  
沉而可以知病之深察其色之澤而可以知功之成若  
天則衰敗矣察其色之散而可以知病之近若搏聚則  
久矣視其色在上而可以知病于上若在下則病在下  
矣積神氣于已心而病之爲已往爲今病者皆能知之  
故相視氣色不能至于精微者不知病之爲是爲非惟  
屬意專心而無所撓奪則凡病之爲新爲故者洞然也

且何以知病之爲甚其色貴于明若明不能愈而反見沉天者病之所以爲甚也何以知病之不甚其色雖貴于明澤然不明不澤而不至沉天病之所以不甚也若此則沉天者誠可慮耳。

其色散駒駒然未有聚其病散而氣痛聚未成也。

此承上文而言五色之散者其氣雖痛而聚則未成也駒駒然者色散如駒馬之逸也蓋聚之成否可卽色之散聚以爲驗故知色散而未有所聚則其病尚散所痛者不過氣耳聚安得而成乎。

腎乘心心先病腎爲應色皆如是。

此承上文而言病有先知之色。所以受尅者。爲必病也。上文言下極者。心也。心之色主赤。挾大腸者。腎也。腎之色主黑。今下極之色黑。乃腎之乘心也。故心先受病。以腎色來尅爲之應耳。然不惟心被腎尅者爲然。凡肝部見肺色。脾部見肝色。肺部見心色。腎部見脾色。及六腑之相尅者。皆如是法以推之耳。

男子色在于面王爲小腹痛。下爲外痛。其圓直爲莖痛。高爲本。下爲首。狐疝瘻陰之弱也。女子在于面王爲膀胱子處之病。散爲痛。搏爲聚。方圓左右各如其色形。其隨而下至臍爲淫。有潤如膏狀爲暴食不潔。同圓

此言部分之色當分男女以知其病也。男子之色在于面王鼻當爲小腹痛。其色見于面王之下當爲陰卵痛。其色見于面王之下圓而且直當爲莖垂痛。凡色見于面部高者爲本。以男子屬陽陽在上也。下者爲首其色從上而之下似物之有首者向下而行。故病在于內卽如其色當如狐疝瘻陰之屬也。女子之色在于面王當爲膀胱經及姙子虞之有病卽胞絡宮也。其氣色散者爲痛而不至成聚。若氣色搏聚不散則成聚而不止于痛然其聚之在內者或方或圓或左或右各如其外色之形耳。若其色隨而下行至于尾骶則其病之在下者。

一曰液之物謂之白潤澤如膏之狀者在也不然  
暴食間即出不潔之物耳何也其下行之勢以外  
一致也。

左為左右為右其色有邪聚散而不端面色所指者也  
此又言部分之色當分左右以知其邪也凡男女之色  
見于左者則病必在左見于右者則病必在右其色有  
邪氣或聚散而不端正一如其面色所指即可以知其  
病耳。

色者青黑赤白黃皆端滿有別鄉別鄉赤者其色赤大如  
灸在面王為不日。



此又言五色各有別鄉其色粗者其病久也別者異也別鄉者即分部也所謂色者即青黑赤白黃之色皆端正盈滿各有分部假如心色主赤小腸亦赤其色如榆莢之太在于面王之部則是小腸有病非止于一目也其色上銳首空上向下銳下向在左右如法

此又言五色上銳則上向下銳則下向而左右亦然也色者即上節五色也銳氣色端尖銳也首空者即上又煩為庭庭者首面也今日首空猶云腦空也

以五色命藏青為肝赤為心白為肺黃為脾黑為腎肝合筋心合脉肺合皮脾合肉腎合骨也

此又言五色屬于五藏而五藏各有所合乃為視色之  
總訣也。蒼青色屬肝而肝合于筋故見其色之青者即  
可以知其為筋之病也。餘藏倣此。

論勇第五十

內論勇怯之士忍  
痛不忍痛故名篇

黃帝問于少俞曰：有人于此，並行並立，其年之長少等也，  
衣之厚薄均也，卒然遇烈風暴雨，或病或不病，或皆病，或  
皆不病，其故何也？少俞曰：帝問何急？黃帝曰：願盡聞之。少  
俞曰：春青風，夏陽風，秋涼風，冬寒風，凡此四時之風者，其  
所病各不同形。黃帝曰：四時之風，病人如何？少俞曰：黃色  
薄皮，弱肉者，不勝春之虛風；白色薄皮，弱肉者，不勝夏之

虛風青色薄皮弱肉不勝秋之虛風赤色薄皮弱肉不勝冬之虛風也黃帝曰黑色不病乎少俞曰黑色而皮厚肉堅固不傷于四時之風其皮薄而肉不堅也不一者長夏至而有虛風者病矣其皮厚而肌肉堅者長夏至而有虛風不病矣其皮厚而肌肉堅者必重感于寒外內皆然乃病黃帝曰善

此言人之受邪而有病否者以其色有不一皮有厚薄肉有堅脆也少俞言四時各有虛邪賊風在春名爲青風在夏名爲陽風在秋名爲涼風在冬名爲寒風人之色黃皮薄肉弱者主脾氣不足不能勝春之青風而爲

病木來尅土也。色白皮薄肉弱者。主肺氣不足不能勝  
其之陽風而爲病。火來尅金也。色青皮薄肉弱者。主肝  
氣不足不能勝秋之涼風而爲病。金來尅木也。色赤皮  
薄肉弱者。主心氣不足不能勝冬之寒風。水來尅火也。其所以成病者如此。至  
而皮厚肉堅者。不傷于四時之風。若色黑而皮薄肉  
脆者。則傷于長夏之虛風耳。若色黃而皮厚肉堅者。見于六月而  
與陽風同也。亦土能尅水之義耳。彼黑色而皮厚肉堅  
者。雖長夏之虛風亦不能傷之也。豈特不傷于四時之  
風哉。但色黑而皮厚肉堅者。亦有四時而爲病。必其既

感于風又重感于寒既病于內又感于外如有所病不然則未必成病也其異于他色之易病者遠矣

黃帝曰夫人之忍痛與不忍痛者非勇怯之分也夫勇士之不忍痛者見難則前見難則止夫怯士之忍痛者聞難則恐遇痛不動夫勇士之忍痛者見難不恐遇痛不動夫怯士之不忍痛者見難與痛目轉面眙恐不能言失氣驚顏色變化乍死乍生余見其然也不知其何由願聞其故少俞曰夫忍痛與不忍痛者皮膚之薄厚肌肉之堅脆緩急之分也非勇怯之謂也

此言人之忍痛不忍痛有以其皮肉有不同而非由于

勇怯之故也。勇士有不忍痛者。見難雖能向前而見痛則止。彼怯士有能忍痛。其見難雖恐而遇痛則不動也。勇士有忍痛者。見難固不恐而遇痛亦不動。彼怯士之不忍痛者。不分見難與痛。目轉而眈。恐懼不敢出一言。退然失氣。恍然而驚。顏色卒變。甚至乍死乍生也。殊不知忍痛者。正以皮厚肉堅且緩也。不忍痛者。正以皮薄肉脆且急也。豈關于勇怯之故哉。

黃帝曰。願聞勇怯之所由然。少俞曰。勇士者。目深以固。長衝直揚。三焦理橫。其心端直。其肝大以堅。其膽滿以傍。怒則氣盛而胃張。肝舉而膽橫。皆裂而目揚。毛起而面蒼。此

勇士之由然者也。黃帝曰：願聞怯士之所由然。少俞曰：怯士者，目大而不減，陰陽相失，其焦理縱，鬲肝短而小，肝系緩，其膽不滿而縱，腸胃挺，腸下空，雖方大怒，氣不能滿，其胃肝肺雖舉，氣衰復下，故不能久怒。此怯士之所由然者也。

此論勇怯之士，所以有不同也。夫所謂勇士者，兩目至深，且不轉睛，逃避而甚，固有長衝直揚之勢，內之三焦紋理橫生，心則端正而直，肝則甚大而堅，膽則汁滿而橫。下怯士不滿而縱，則此目滿而傍者，義當為滿而橫也。及其怒也，氣盛而胃張，肝舉而膽橫，皆裂而目揚，毛起而面蒼。此皆勇士之所

以然也。夫所謂怯士者，外目雖大而不深，開閉相失，轉時不常也。內之三焦紋理則縱，骨之骨乃短而小。本經云：溺肝短者，心下肝之系則緩，肝則不滿而縱，腸胃則挺然而不曲，腸下則空而不堅，雖方大怒，氣不能滿其胃中，肝葉雖舉，氣衰復下，所以不能久怒。此乃怯士之所以然也。

黃帝曰：怯士之得酒，怒不避，勇士者何？或使然。少俞曰：酒者，水穀之精，熱穀之液，以其氣慍，恃其八月，則胃脹，氣上逆，滿于胃中，肝浮膽橫，當是之時，因此于勇士，氣衰則悔，與勇士同類，不知避之，名曰酒悖也。



此言怯士得酒而不避勇士之故也蓋酒為水穀之精

熟穀之液

此語又見營衛生會篇

其氣則慄悍故入于胃中則胃

脹氣逆胃清肝浮膽橫斯時方將自比于勇士而不知

避之至于酒氣既衰則慄此之謂因酒而慄逆者耳

背膪第五十一

論五藏之膪在背故名篇

黃帝問于歧伯曰願聞五藏之膪出于背者歧伯曰背中

大膪在杼骨之端肺膪在三焦之間心膪在七焦之間脾

膪在七焦之間肝膪在九焦之間脾膪在十一焦之間腎

膪在十四焦之間皆挾脊相去三寸所則欲得而驗之按

其處應在中而痛解乃其膪也灸之則可刺之則不可氣

盛則瀉之。虛則補之以火。補者毋吹其火。須自滅也。以火  
寫者。疾吹其火。傳其艾。須其火滅也。律當作頤。後世作時。俞當作輸。通用。毋無同。  
此言五藏之俞。可灸不可刺。而有補瀉之法也。五藏之  
俞。皆在于背。故背中大腧在脊骨之端。大腧者。大杼穴  
也。去中行督脉經大椎穴。左右各開一寸半。其肺俞以  
中行三椎為主。心俞以中行五椎為主。肝俞以中行七  
椎為主。肝俞以中行九椎為主。脾俞以中行十一椎為主。  
腎俞以中行十四椎為主。左右各開中行一寸半。挾  
中行脊骨而計之。則相去三寸。所故欲得諸穴者。乃  
按其處。其中必應之。而肉痛乃解。是乃五藏之各俞穴。

也但灸之則可刺之則不可故邪氣盛則瀉之正氣虛則補之凡以灸火而補之者毋吹其火必待其火之自滅可也以灸火而瀉之者當疾吹其火卽瀉也其艾以繼之須其火之速滅可也。

衛氣第五十二

內所論不止衛氣止有此氣之不循氣經者爲衛氣一句今以含篇者

揭衛氣之爲要耳

黃帝曰五藏者所以藏精神魂魄者也六府者所以受水穀而化行物者也其氣內于五藏而外絡支節其浮氣之不循經者爲衛氣其精氣之行于經者爲營氣陰陽相隨外內相貫如環之無端亭亭淳淳乎孰能窮之然其分別

陰陽之本標本虛實所離之處能別陰陽十二經者知病  
之所生候虛實之所在者能得病之高下知六府之氣街  
者能知解結與紹于門戶能知虛石當作之堅軟者知補  
泄之所在能知六經標本者可以無惑于天下

此言營衛藏府標本之繁窮而能窮之者可以盡病法  
而高天下也人有五藏精神魂魄賴之以藏人有六府  
水穀等物賴之以化六府爲表其氣內連于五藏而外  
則絡于支節人有三焦宗氣積于上焦營氣出于中焦  
衛氣出于下焦下焦之氣升于中焦以達于上焦而生  
此衛氣衛氣陽性慄悍行于皮膚分肉之間乃浮而在

外者也故曰其浮氣之不循經者為衛氣衛氣生於膚

中焦之氣降于下焦而生此營氣營氣陰性精專隨宗

氣以行于經隧之中故曰其精氣之行于經者為營氣

營在衛氣晝行于陽經夜行于陰經營氣由暗經以行

于十二經陰陽相隨外內相貫如環無端運行不息

亭乎何其理之高且虛也淳淳乎何其理之深且微也

孰能窮之然所以分別陰陽諸經者皆有標本

處故能分別手足之十二經者必能知病之所生在何

經也能候諸經虛實之所在必能知病之為虛為實也

能知六府之氣往來有衛衛氣在六府之氣營營氣在六府之氣

知所解所結所契所紹之門戶也。契者合也。結者總也。能知病虛之爲軟。病實之謂堅者。必能知刺法補瀉之所在也。凡此者。皆以其能知手足六經之標本故耳。真能洞察乎此。而非天下之所能惑矣。前禁服篇云。可以爲天下師者。此也。

歧伯曰。博哉聖帝之論。臣請盡意悉言之。足太陽之本。在跟以上五寸中。標在兩絡命門。命門者目也。足少陽之本。在竅陰之間。標在窓籠之前。窓籠者耳也。足少陰之本。在內踝下上三寸中。標在背腧與舌下兩脉也。足厥陰之本。在行間上五寸所標在背腧也。足陽明之本。在厲兌。標在

人迎頰挾頰顙也。足太陰之本。在中封前上四寸之中。標在背膂與舌本也。

此先言足六經之標本也。足太陽膀胱經之本。在于足

外跟以上五寸中。即附陽穴。附陽本在外踝上三寸。今

有二寸而踝上又三寸。則當是附陽穴也。其標在于兩絡命門。命門者目也。

即睛明穴。睛明左右有二。故曰兩絡。按本經根結篇言

于命門。命門者目也。足少陽膽經之本。在竅陰之間。足第四指

如韭。標在窓籠之前。窓籠者耳也。即聽宮穴也。根結篇同

足少陰腎經之本。在內踝下上三寸中。即交信穴。其標

在于背腎俞穴。與舌下兩脉。據根結篇。當是廉泉穴也。

手少陰經之本在少澤

足厥陰肝經之本在行間上五

所疑其封穴標在背之肝俞穴

根結篇云厥陰根于大敦結于五英

足陽明胃經之本在厲兌標在人迎頰挾頰頰也

足陽明根于厲兌結于頰大頰大者鉗耳也

足太陰脾經之本在中封前上

四寸之中疑是三陰交穴標在背之脾腧與舌本廉泉

穴也

根結篇云太陰根于隱白結于太倉

手太陽之本在外踝之後標在命門之上一寸也手少陽

之本在小指次指之間上二寸標在耳後上角下外眥也

手陽明之本在肘骨中上至別陽標在頰下合鉗上也手

太陰之本在寸口之中標在腋內動也手少陰之本在銳



骨之端標在背膂也。手心主之本在掌後兩筋之間二寸中。標在腋下三寸也。

此言手六經之標本也。手太陽小腸經之本在手外踝

之後。

疑養

標在命門之上。一寸。

疑是督脉經命門上即十三椎懸樞

手

少陽三焦經之本在手小指之四指間上二寸。

門穴

標在耳後之上角。

當是絲竹空

手陽明大腸經之本在肘

骨中。

當是曲池穴

上至別陽。標在頰下。合于鉗上。

疑是胃經頭維穴

手太陰肺經之本在寸口之中。即太淵穴。標在腋內動

脉。即中府穴。手少陰心經之本在銳骨之端。即神門

穴。標在背之心俞穴。手心主即手厥陰心包經之

本在掌後兩筋之間。即內關穴。標在腋下三寸。即天池穴。

凡候此者。下虛則厥。下盛則熱。上虛則眩。上盛則熱痛。故

石

當作

者。絕而止之。虛者引而起之。

此言治前各經標本之法也。凡候于足。諸經者。在下爲本。本虛則厥。盛則熱。在上爲標。標虛則眩。盛則熱而且痛。故盛者實也。當寫之。所謂絕其邪氣而止之者是也。虛者當補之。所謂引其正氣而起之者是也。

請言氣街。胃氣有街。腹氣有街。頭氣有街。脛氣有街。故氣在頭者。止之于腦。氣在胃者。止之膺與背腧。氣在腹者。止

之背腧與衝脉于臍左右之動脉者。氣在脛者。止之于氣街與承山踝上以下。取此者。用毫鍼。必先按而在久。應于手。乃刺而予之。所治者。頭痛眩仆。腰痛中滿暴脹。及有新積痛可移者。易已也。積不痛難已也。

此言氣行有街。其止有所。而有所刺之法。及所治之病也。首節帝言知六府之氣街者。能知解結契紹于門戶。故以四街言之。本經動輸篇有街者。路也。凡氣之行于四街。卽此是也。頭者。止之于腦。氣之行于胃者。止之膺與背腧。胃之兩旁爲膺。背腧係膀胱經。凡五藏六府皆有俞。氣之行于腰者。止之背俞。蓋五藏六府在干腹中。而其俞穴則在干背也。又在前與足陽明。

胃經衝腓穴及臍左右之動脈卽足陽明胃經之天樞  
穴也氣之行于足脛者止之于氣街此卽足陽明胃經  
之氣衝穴一穴而二名者也及足太陽膀胱經之承山  
穴在腓下及外踝上下諸穴然凡取此四穴一以九  
鍼論第七之毫鍼必先按其處而爲時既久其氣應手  
乃以鍼刺之其所治者在頭則主頭痛眩仆在臍則主  
腹痛中滿暴脹及有新積但積滿而可以移之者其病  
易已若有積而不痛則雖治之亦難已也

論痛第五十三

內有鍼石火刺之痛耐與不耐等義故名篇

黃帝問於少俞曰筋骨之強弱肌肉之堅脆皮膚之厚薄

腠理之疎密各不同其于鍼石火炆之炆何如腸胃之厚薄堅脆亦不等其于毒藥何如願書之少俞曰人之骨強筋弱肉緩皮膚厚者耐痛其于鍼石之痛火炆亦然黃帝曰其耐火炆者何以知之少俞答曰加以黑色而美骨者耐火炆黃帝曰其不耐鍼石之痛者何以知之少俞曰堅肉薄皮者不耐鍼石之痛于火炆亦然

此言人于鍼石火炆有耐痛與不耐痛之異也毒藥之勝分見鍼石者古人以石爲鍼也火炆者以火炆之也人之骨強筋弱肉緩皮膚厚者必耐于痛凡火炆皆然也然耐火炆者又加以黑色而其骨美壯人之同也

薄。不耐于痛。凡鍼石火燭皆然也。

黃帝曰。人之病。或同時而傷。或易已。或難已。其故何如。少俞曰。同時而傷。其身多熱者。易已。多寒者。難已。

此言人有同病。而有易已難已之分也。益多熱。則邪猶在表。故易已。多寒。則邪入于裏。故難已耳。

黃帝曰。人之勝毒。何以知之。少俞曰。胃厚。色黑。大骨及肥者。皆勝毒。故其瘦而薄胃者。皆不勝毒也。勝于

此承上文而言。人于毒藥。有勝與不勝之異也。

天年第五十四

內以百歲為論故名篇

黃帝問于歧伯曰。願聞人之始生。何氣築為基。何立而為

棺何失而死何得而生歧伯曰以母爲基以父爲楨失神者死得神者生也

楠音盾素問移精變氣論云得神者昌失神者亡

此言人之始終皆有所以然之故也方其始生賴母以爲之基坤道成物也賴父以爲之楨陽氣以爲捍衛也故失父母之神氣則死若守神氣則生矣

黃帝曰何者爲神歧伯曰血氣已和營衛已通五藏已成神氣舍心魂魄畢具乃成爲人

此承上文而言人之所以得神則生也人有血氣皆已融和人有營衛皆已通利心之志爲神皆舍于心肝之神爲魂肺之神爲魄皆已畢具此則人之所以爲人而

得此者則生也

黃帝曰。人之壽夭各不同。或天壽。或卒死。或病。各願聞其道。岐伯曰。五藏堅固。血脈和調。肌肉解利。皮膚緻密。營衛之行。不失常呼吸微徐。氣以度行。六府化穀。津液布揚。各如其常。故能長久。卒去聲

此言人有壽天生死之殊。當觀其壽者。而可以推夭者之及是也。

黃帝曰。人之壽百歲而死。何以致之。岐伯曰。使道隊以長。基牆高以方。通調營衛。三部三里起。骨高肉滿。百歲乃得終。隊同聲



此言人之百歲而終者之由也。使道者水溝也。俗云其  
隊道以長。面之地部爲基耳。爲蔽爲牆。乃高以方。營衛  
之氣皆已通調。而面之三里。卽三部也。  
俗云皆已聳起。其骨高其肉滿。所以百歲乃得終也。

黃帝曰。其氣之盛衰。以至其死。可得聞乎。歧伯曰。人生十  
歲。五藏始定。血氣已通。其氣在下。故好走。二十歲。血氣始  
盛。肌肉方長。故好趨。三十歲。五藏大定。肌肉堅固。血脈盛  
滿。故好步。四十歲。五藏六府。十二經脈。皆大盛。以平定。膜  
理始疎。榮華頽落。髮頗斑白。平盛不搖。故好坐。五十歲。肝  
氣始衰。肝葉始薄。膽汁始減。目始不明。六十歲。心氣始衰。

善步悲。血氣懈惰。故好卧。七十歲脾氣虛。皮膚枯。八十歲  
肺氣衰。魄離故言善悞。九十歲腎氣焦。四藏經脉空虛。百  
歲五藏皆虛。神氣皆去。形骸獨居而終矣。

此言人之十歲至于三十。以漸而盛。四十至于百歲。以  
漸而衰也。其氣在下。氣盛于足之六經也。趨者較走更  
疾矣。步者較趨更緩矣。坐者較步似倦矣。至五十歲以  
後。則肝生心。心生脾。脾生肺。肺生腎者。每十歲而日衰  
故五十歲肝膽衰。六十歲心氣衰。七十歲脾氣衰。八十  
歲肺氣衰。九十歲腎氣衰。百歲五藏俱衰。善憂悲者。以  
心主于憂也。好卧者。衛氣不精也。魄離故以肺藏魄者。

失其故處也。言善誤。肺主言也。腎氣焦者。水竭則焦也。黃帝曰。其不能終壽而死者何如。歧伯曰。其五藏皆不堅。使道不長。空外以張。喘息暴疾。又卑基牆薄。脉少血。其肉不石。數中風寒。血氣虛。脉不通。真邪相攻。亂而相引。故中壽而盡也。數音朔中法声

此言人之中壽而盡者。以內虛而外盛也。五藏皆脆。較之五藏堅固者異也。水溝不長。較之使道隧以長者異也。其鼻孔向外而張。鼻爲肺竅。肺氣泄矣。師傳篇云。鼻孔在外。膀胱又肺主氣。今肺氣不足。故喘息而爲暴疾也。基牆甚卑。較之基牆高以方者異也。脉薄血少而肉脆。較之骨

高肉滿者異也。數中風寒者以其血氣虛。脈道不通。所以真邪相攻而相引也。真爲正氣。邪爲邪氣也。

黃帝內經靈樞發微卷之六終

靈樞

六卷

四十六